

TAKMIČENJA U ŠKOLSKOJ 2018/2019. GODINI

Takmičenje na nivou medresa Islamske zajednice u Bosni i Hercegovini

Arapski jezik

Na XVII takmičenju iz arapskog jezika za učenike medresa Islamske zajednice u Bosni i Hercegovini, održanom 12. 11. 2018. godine u Elči Ibrahim-pašinoj medresi u Travniku, Behram-begova medresa je zauzela treće mjesto u ekipnom plasmanu. Behram-begovu medresu su predstavljali učenici četvrtog razreda Amir Mujčinović, Lamija Spahić i Maida Razić.

Engleski jezik

U Behram-begovoj medresi je u ponedjeljak, 19. 11. 2018. godine, održano takmičenje iz engleskog jezika učenika medresa Islamske zajednice u Bosni i Hercegovini. U pojedinačnom plasmanu naš učenik Harun Sulejmanović osvojio je prvo mjesto, dok je treće mjesto osvojila Halida Duraković. Najuspješnija je bila ekipa Behram-begove medrese, sa osvojena 242 boda.

Bosanski jezik

U ponedjeljak, 5. 11. 2018. godine, Medresa "Džemaludin-ef. Čaušević" u Cazinu bila je domaćin XII takmičenja iz Bosanskog jezika za maturante medresa. Takmičari Behram-begove medrese bili su: Omer Muminović, Emir Čidić i Lejla Begunić.

Takmičenja iz hifza i tilaveta

Na 13. takmičenju u hifzu i tilavetu održanom u Sarajevu 15. i 16. 9. 2018. godine učestvovali su i učenici Behram-begove medrese. Učenik prvog razreda Muhamed Čirak osvojio je prvo mjesto u kategoriji pet džuzeva, Abdulah Mrkonjić, učenik trećeg razreda, osvojio je drugo mjesto u kategoriji dvadeset džuzeva i učenik četvrtog razreda Abdulkadir Omerović osvojio je treće mjesto u kategoriji tilaveta.

Regionalno takmičenje u hifzu i tilavetu

U subotu i nedjelju, 3. i 4. novembra 2018. godine, u Sarajevu je održano Regionalno takmičenje u hifzu i tilavetu. Mrkonjić Abdullah osvojio je prvo mjesto u hifzu 15 džuzeva, a Čirak Muhamed osvojio je prvo mjesto u hifzu pet džuzeva.

Takmičenja u organizaciji Pedagoškog zavoda

Fizika

Kantonalno takmičenje

U subotu, 30. 3. 2019. godine, održano je Kantonalno takmičenje srednjih škola iz fizike.

Učenik Behram-begove medrese Brkić Ismail osvojio je prvo mjesto iz oblasti mehanika i termodinamika, Ahmetović Muhamed četvrto mjesto. Iz oblasti optika, atomska i nuklearna fizika Britvarević Tarik je osvojio prvo mjesto. Fatić Enida osvojila je drugo mjesto iz oblasti elektromagnetizam, oscilacije i talasi, dok je Selimović Dino osvojio četvrto mjesto.

Šampioni fizike Federacije Bosne i Hercegovine

Na XXIV takmičenje učenika srednjih škola Federacije Bosne i Hercegovine iz fizike plasirali su se naši mladi fizičari, koji su prethodno osvojili kantonalni tron. Iz oblasti mehanika i termodinamika Ismail Brkić osvojio prvo mjesto. Enida Fatić je briljirala u oblasti elektromagnetizam, oscilacije i talasi osvojivši prvo mjesto. Dino Selimović je u ovoj oblasti zauzeo četvrto mjesto. U oblasti optika, atomska i nuklearna fizika Britvarević Tarik osvojio je drugo mjesto. Učenica prvog razreda Lejla Dorić zauzela je šesto mjesto u oblasti mehanika i termodinamika. Zapažen rezultat je postigao Muhamed Ahmetović.

Biologija

U subotu, 16. 3. 2019. godine, u Tuzli je održano Kantonalno takmičenje iz biologije za srednje škole. Naša učenica Lejla Begunić osvojila je treće mjesto.

Geografija

U subotu, 23. 3. 2019. godine, održano je Kantonalno takmičenje za učenike srednjih škola iz geografije. Našu školu predstavljali su Emir Ćidić i Jasmina Ejubović, učenici četvrtog razreda. Učenik Emir Ćidić zauzeo je drugo mjesto, dok je Jasmina Ejubović zauzela četvrto mjesto.

Historija

Kantonalno takmičenje iz historije za učenike srednjih škola održano je u subotu, 6. 4. 2019. godine. Naša škola je ponovila prošlogodišnji uspjeh. Predstavnice Behram-begove medrese Čičkušić Amina i Spahić Kerima osvojile su maksimalnih 100 bodova i zajedno s predstavnicima Gimnazije Meša Selimović iz Tuzle, čiji su učesnici također osvojili 100 bodova, dijelile su prvo mjesto.

Engleski jezik

U subotu, 13. 4. 2019. godine, u Mješovitoj srednjoj školi Gračanica održano je Kantonalno takmičenje iz engleskog jezika u organizaciji Pedagoškog zavoda. Takmičilo se preko 200 učenika

prvih, drugih i trećih razreda iz svih srednjih škola na području Kantona. Naš učenik Fadil Umihanić osvojio je drugo mjesto u rangu učenika II razreda.

Ostala takmičenja

Zlatna medalja s Balkanske debatne akademije

U periodu od 13. do 18. 11. 2018. godine održana je Balkanska debatna akademija u Skoplju.

Naš učenik Omer Muminović prošao je kvalifikacije s još deset debatanata iz Bosne i Hercegovine, te je kao član miješane ekipe osvojio prvo mjesto i donio zlatnu medalju u našu zemlju. Takmičenje je održano na engleskom jeziku.

MUNJA Business Challenge

MUNJA Inkubator i HOCU.ba infoplatforma s partnerima organiziraju najveće državno takmičenje za srednjoškolce u poduzetništvu, pod nazivom „MUNJA Business Challenge“.

Business Challenge se realizira po međunarodnoj metodologiji najvećeg obrazovnog programa iz oblasti ekonomije i poduzetništva Junior Achievement, koji djeluje u preko 100 zemalja. Na ovom takmičenju 200 srednjoškolaca iz velikog broja srednjih škola iz cijele zemlje pokazat će kako se snalaze u rješavanju poslovnih zadataka koje su pripremili menadžeri i stručnjaci iz oblasti poduzetništva. Učenici podijeljeni u mješovite timove s vršnjacima iz drugih gradova kroz timski će rad i uz pomoć mentora osmisliti najbolja poslovna rješenja i zatim ih prezentirati stručnom žiriju i ostalim učesnicima.

Naši učenici Alija Mevkić i Omer Muminović su 3. 4. 2019. godine na Regionalnom takmičenju u poduzetništvu osvojili I i III mjesto. Ovim su se kvalifikovali na državno takmičenje.

Sportska takmičenja

Behram-begova medresa pobjednik XX sportskih susreta

Na XX sportskim susretima učenika srednjoškolskih ustanova Islamske zajednice u Bosni i Hercegovini održanih 13. i 14. oktobra

2018. godine u Mostaru, učenici Behram-begove medrese osvojili su sedam zlatnih i tri srebrne medalje. Ekipe Behram-begove medrese bile su najuspješnije u košarci i u malom nogometu, te su zauzele prvo mjesto.

- Prvo mjesto učenici su osvojili u atletici, u disciplini štafeta 4x100 metara.
- Abdulah Šiljić, učenik trećeg razreda, osvojio je prvo mjesto u disciplini bacanje kugle.
- Hajrudin Vežović, učenik trećeg razreda, osvojio je tri zlatne medalje: trčanje na 100 metara, trčanje na 200 metara i u skoku udalj.
- Muamer Arnautović osvojio je drugo mjesto u disciplini trčanje na 800 metara.
- Ibrahim Spahić, učenik drugog razreda, osvojio je drugo mjesto u stonom tenisu, a Izet Jahić osvojio je drugo mjesto u šahu. Najboljim sportistom sportskih susreta proglašen je Hajrudin Vežović.

IV sportski susreti učenica srednjoškolskih ustanova Islamske zajednice u Bosni i Hercegovini

IV sportski susreti učenica srednjoškolskih ustanova Islamske zajednice u Bosni i Hercegovini održani su u Travniku od 26. do 28. oktobra 2018. godine. Naše učenice su uzele učešće u disciplinama: trčanje 100 i 200 metara, odbojka, šah i stoni tenis. Odbojkaška ekipa naše škole je osvojila 3. mjesto, a učenica Belmina Tursunović 2. mjesto u stonom tenisu. Zajedno s ostalim rezultatima, Behram-begova medresa je osvojila IV mjesto u ekipnoj konkurenciji.

Državno prvenstvo u atletici za juniore

Smajo Ibrahimović osvojio je prvo mjesto u disciplini skok uvis i treće mjesto u troskoku. Hajrudin Vežović osvojio je prvo mjesto u skoku udalj i prvo mjesto u disciplini trčanje na 100 metara. Omer Memić osvojio je drugo mjesto u kategoriji 3000 STIPL, Muamer Arnautović treće mjesto u disciplini trčanje na 3.000 metara, Emar Đonlić treće mjesto u disciplini trčanje na 800 metara. U disciplinama

bacanje kugle i bacanju koplja Abdulah Šiljić osvojio je četvrto mjesto. U štafeti 4x100 metara osvojio je izvanredno drugo mjesto.

Zlato s Međunarodnog atletskog mitinga

U Čitluku je 13. 9. 2018. godine održan XIII međunarodni atletski miting.

Učenik Behram-begove medrese Hajrudin Vejzović osvojio je prvo mjesto u disciplini na 100 metara i prvo mjesto u skoku udalj. Smajo Ibrahimović osvojio je drugo mjesto u disciplini skok uvis. Također, Abdulah Šiljić je osvojio četvrto mjesto u bacanju kugle.

Gradska sportska takmičenja (odbojka, košarka i nogomet)

Na finalnom turniru Gradskog prvenstva za srednje škole u odbojci, održanom 28. 11. 2018. godine u Sportsko-kulturnom i privrednom centru Mejdan, sastale su se po dvije prvoplasirane ekipe iz dvije kvalifikacijske grupe u konkurenciji omladinaca. Ekipa Behram-begove medrese je u finalnoj utakmici savladala ekipu Saobraćajne škole rezultatom 2:1, čime smo dobili titulu gradskih prvaka u odbojci.

U srijedu, 19. 12. 2018. godine, održano je finalno takmičenje u košarci u Mejdanu. Ekipa Behram-begove medrese u prvoj utakmici igrala je protiv ekipe Gimnazije Ismet Mujezinović i izgubila je rezultatom 23 : 30. Za treće mjesto borili su se protiv ekipe Elektrotehničke škole i odnijeli pobjedu, zauzevši treće mjesto rezultatom 32 : 30, čime je ekipa naše škole osvojila bronzano odličje. Na gradskom stadionu Tušanj sastale su se po dvije prvoplasirane ekipe kvalifikacijske grupe u malom nogometu. Behram-begova medresa sastala sa Saobraćajnom školom i rezultat je bio 0:1. Nakon što su naši momci odigrali utakmicu s Ekonomskom školom i donijeli pobjedu rezultatom 3:2, u ukupnom plasmanu zauzeli smo treće mjesto.

Državni juniorski prvak Bosne i Hercegovine

Hajrudin Vejzović ostvario je rezultat kojim je postao Državni juniorski prvak Bosne i Hercegovine u disciplini trčanje na 100 metara. U subotu, 26. 1. 2019. godine, u Beogradu je održano Otvoreno dvoransko prvenstvo Srbije. Jedan od predstavnika Bosne

i Hercegovine bio je i naš učenik Hajrudin Vejzović. Zahvaljujući odličnim rezultatima koje je ostvario na ovom takmičenju on se plasirao na Balkansko dvoransko prvenstvo. Naš učenik Hajrudin Vejzović jedini je takmičar iz Bosne i Hercegovine koji je uspio da se kvalificira na ovo prestižno takmičenje, koje je održano u Turskoj 10. 2. 2019. godine. Na spomenutom takmičenju je osvojio šesto mjesto u disciplini trčanje na 60 m, te postigao lični rekord, istrčavši ovu dionicu za 7.06 sekundi.

Behram-begovci atletski šampioni Bosne i Hercegovine

U subotu, 2. 2. 2019. godine, na Dvoranskom prvenstvu Bosne i Hercegovine održanom u Zenici, naš učenik Hajrudin Vejzović osvojio je prvo mjesto u disciplini trčanje na 60 m, te je ovim rezultatom osvojio titulu dvoranskog juniorskog prvaka Bosne i Hercegovine za 2019. godinu. U nedjelju je nastavljeno takmičenje, te je na istom prvenstvu, u disciplini skok udalj, Vejzović osvojio drugo, a Smajo Ibrahimović treće mjesto.

Novi državni rekord Hajrudina Vejzovića

U srijedu, 20. 2. 2019. godine, u Zagrebu je održano Međunarodno dvoransko prvenstvo u atletici. Od ukupno 33 učesnika koji su se takmičili u disciplini trčanje na 60 metara, naš učenik Hajrudin Vejzović uspio je da se plasira u finale ovog takmičenja. Istrčavši ovu dionicu za 7: 00 sekundi , on je postigao novi državni rekord. U nastavku takmičenja pokazao je da je u odličnoj formi, osvojivši prvo mjesto u istoj disciplini - trčanje na 60 metara, istrčavši ovu dionicu za 6.93 sekunde.

Četiri zlatne medalje naših atletičara

U četvrtak, 18. 4. 2019. godine, na stadionu Tušanj je održano Gradsko prvenstvo srednjih škola u atletici. Naši takmičari su postigli odlične rezultate. Hajrudin Vejzović je osvojio prvo mjesto u trčanju na 100 m, a Abdulah Šiljić je prvi u bacanju kugle. U skoku udalj Smajo Ibrahimović je također prvi. Omer Memić je osvojio treće mjesto u disciplini trčanje na 1.000 m, a Emar Đonlić četvrto mjesto u trčanju na 400 m. Također, osvojili smo prvo mjesto u štafeti 4x100 m.

Srebreno i dva bronzana odličja za naše atletičare

U Tuzli je 28. 4. 2019. godine održana 24. tradicionalna međunarodna ulična trka Viviccitta 2019.

Učenik Elias Mešić osvojio je treće mjesto u kategoriji trčanje na 2 km za srednjoškolce, učenike prvih i drugih razreda, a Muhammed Bekrić je osvojio peto mjesto u istoj kategoriji.

Muamer Arnautović je osvojio drugo mjesto u kategoriji trčanje na 2 km za srednjoškolce učenike trećih i četvrtih razreda, a Omer Memić je osvojio treće mjesto u istoj kategoriji.

Najuspješniji učenici u odjeljenjima u školskoj 2018/19. godini

| R/B | RAZRED | IME I PREZIME | KATEGORIJA |
|-----|--------|-------------------|----------------------|
| 1. | Ia | Keserović Faris | Najbolji učenik |
| 2. | Ib | Mešanović Ahmed | Najbolji učenik |
| 3. | Ic | Fajić Amina | Najbolja učenica |
| 4. | Id | Muratović Sumeja | Najbolja učenica |
| 5. | Ila | Bečić Harun | Najbolji učenik |
| 6. | Ilb | Brkić Ismail | Najbolji učenik |
| 7. | Ilc | Džafić Selma | Najbolja učenica |
| 8. | Ild | Agić Azra Fazila | Najbolja učenica |
| 9. | IIla | Selimović Dino | Najbolji učenik |
| 10. | IIlb | Špijodić Zejd | Najbolji učenik |
| 11. | IIlc | Fatić Enida | Najbolja učenica |
| 12. | IIld | Skula Merjem | Najbolja učenica |
| 13. | Ila | Bečić Harun | Najaktivniji čitalac |
| 14. | IIlb | Hajrudin Vejzović | Najbolji sportista |

Najuspješniji sportista u 2018/19. godini bio je Hajrudin Vejzović, IIlb, a najaktivniji čitalac Bečić Harun, učenik Ila odjeljenja.

Najuspješnija odjeljenja u školskoj 2018/19. Godini

1. mjesto – odjeljenje IIIId, s prosječnom ocjenom 4,48 . Nagrada je jednodnevni izlet u radnom danu na području BiH, s plaćenim troškovima prijevoza.
2. mjesto – odjeljenje IIIc, s prosječnom ocjenom 4,46. Nagrada je jednodnevni izlet u neradnom danu na području BiH, s plaćenim troškovima prijevoza.
3. mjesto – odjeljenje Ic, s prosječnom ocjenom 4,31. Nagrada je jednodnevni izlet u neradnom danu na području TK, s plaćenim troškovima prijevoza.
4. *Odjeljenje* s najmanje izostanaka u toku školske godine je odjeljenje IIIId, s ukupno 405 izostanaka tokom školske godine, a nagrada je jednodnevni izlet u neradnom danu na području BiH, s plaćenim troškovima prijevoza.